

ESTICA

A. 5085

44.

869

1260

Desiderium ejus tribue illi, & petitiones labioram ejus ne deneges ipsi. Tribue ipsi secundum cor suum, & omne consilium ejus confirma. Regiam istam familiam prole mascula clementer adauge, ne extingvatur lucerna in Israel, neve de stirpe ejus vir auferatur qui sit princeps in Israel; sed maneat cunctis diebus coram te in regno quod elegisti ut esset nomen tuum ibi. Provideat igitur Dominus, Deus spirituum omnis carnis, de stirpe Regia virum, qui sit super multitudinem hanc, & possit exire & intrare ante eos, ne sit populus Dei, tanquam oves absq; pastore.

Tibi verò GUSTAVE Rex, Pater Patriæ meritissime, qui prælia Domini geris, per quæ Deus ædificat apud nos deserta seculorum, factas sepit ruinas, & concuscas reparat semitas ut Jerusalem habitari possit; per quem deniq; Deus cornu gentis nostræ in sublime evehit, quas gratias agemus? quam gratitudinem reddemus? Agendis gratijs voxet Spiritus deficiunt: opera & facta nostra minoris sunt, quām ut tantorum erga nos meritorum partē aliquam assequantur vel exæquent. Gratifatemur, hanc te cum Mose quærelam recte institere. Cur, Deus, imposuisti pondus universi populi hujus super me? Num ego concepi multitudinem hanc, ut dicas mihi, porta eos in sinu tuo, sicut nutrix solet portare infantem suum. Grati agnoscimus

ea.

ORATIUNCULA

De

Revolutâ periodo Bellorum Gotthicorum extra patriam
Sub

POTENTISSIMO ET INVICTISSIMO
Heroe

G V S T A V O A D O L P H O

Svecorum, Gothorum, Vandalarumq; Rege cel-
lissimo, Magno Principe Finlandiæ &c.

Q V A M

Anno 1632. 24. Aprilis in Regiâ Svecorum Aca-
demia, que est Ubsaliae, recitatam, tandem 9. De-
cemb. ejusdem Anni, additis nonnullis interea
gestis, typis excudi curavit

M A T T H I A S E. M Y L O N I U S
Arosiensis, S. R. M. Alumnus.



U B S A L I A E,

Imprimebat Eschillus Matthiæ.

Reverendissimo in Christo Patri ac Domino,
Dn. JOHANNI RUDBECKIO
S.S. Theologiae & Philosophiae Doctori Eximio,
Diocesis Arosensis Episcopo amplissi-
mo, patrono suo magno & meco-
ni omni honoris & devotionis no-
mine aeternum venerando.

U T E T

- Reverendis, Clarissimis & Excellentissimis Viris
M. Eliæ Olai, Ecclesia Arosensis Pastori, vicinarumq;
Preposito meritissimo, & sa-
eri ibidem Synedrij Assessori
primario, fautori benignissi-
mo, colendissimo.
M. Petro Jonæ Helsingo,
in Moora Pastori fidelissi-
mo, Evergete & Præceptoris
plurimum observando.
- M. Erico Holstenio, apud
Schedwimontanos Pastori vi-
gilantissimo, promotori, ho-
spiti, & præceptori perpe-
tuo amore prosequendo.
- M. Gabrieli Holstenio in-
Gymn. Arosiensi S.S. Theol.
Lectori, & p. t. Rectori dili-
gentiss. benefactori & præ-
cept. reverenter suspiciendo.

S. P. D.

Quemadmodum, Amplissime Præsul & Viri Admo-
dum Reverendi, omni Reip. tum demum bente est, cum viri
sapientia & virtute excellentes eam regunt: ita non sine gaudio
intuemur nostram patriam, quam Divina Gratia dignata est
Belli, pacisq; moderatore prudentissimo. Quoquo n. Sveciam
spectes, sive Politicum, sive Ecclesiasticum statum; refert ima-
ginem Gustavianæ virtutis omnia subditorum suorum saluti
accommodantis. Quam rerum nostrarum fortunam invidis o-
culis conspicientes vicini nostri suis technis & infestis insuper ar-
mis nobis præzeptum iverunt: verum Fortitudine Potentissimi
GUSTAVI ADOLPHI Regis nostri clementissimi, patria pa-

Viris verè Heroico animo hostes ipsi in nos fructis malie irretit
concedunt. Sitiant nostrum sanguinem Poloni, moliatur no-
bis pernicem illa orbis pestis Papa; verà tamen in Deum pietate,
& vigili magistratus nostri diligentia nobis tecis non modò
non nocebunt, sed etiam in orbem redijss. Et modernis inesse pri-
scam Gotborum virtutem, que teneatur pari libertatis sua amo-
re, fatebuntur. Veterum enim Gothorum trophyis longè majora
in his ysdē nobis vicinis provincijs à S. R. M. nuper sunt ercta.
Iucundā hujus rei consideratione motus, adhac consultiss. Jo-
annis Loccenij J. U. D. Hist. & Eloq. Prof. p. t. nunc
Magnifici Rect. hortatu suffultus, hanc victoriarum Gotbica-
rum revolutam periodum non meritis quidem coloribus, sed quo-
usq; in tanta excellencia fastigio à mea tenuitate attingi poterat,
oratiuncula hac delineavi. Vestrīa verò nominib; Dignissime
Præsul & Viri Clarissimi, ideo potissimum inscripta prodit,
quod vos meorū studiarum & qualis qualis fortuna quasi Deos
babeam. Et licet in me nihil albus agnoscam quod vestrorum be-
neficiarum, & spei de me benigne speciem saltē nobis, alijsve re-
presentare posse; tamen quia pso sacri vestri Synedrij decreto &
liberali ejus dē subsidio Mujarū suave commercio in Academiā pa-
triā mibi uti contigit, bonā spe erigor fore, ut, si modò mihi ipse
benē velim, aliquando cù Deo vel quadantenus saltē fieri posset.
Interea ut & ego, cùm Reverendissimi nostri presulis indecessa
vigilante in promovendis lectorum studijs, inter alios exem-
plū statuerer, iū etiam ut aliquam gratitudinis significatiōnē tā-
tis meis fautoribus relinquarem, has ingenij mei primitias Rev.
Vestrī Dignitati, Vestrīs & Reverentijs cōsecerare volui, ne quaquam
dubitans, quin buic me & protervia venia detis, & quē meritis jā-
dudum vestrū fecisti, eum debinc pristino amore prosequa-
mini. D.T. O. M. VV. RR. diutissimè incolumes servet, prote-
get, tucatur. Ubsalia 10. Decemb. A. D. 1631.

Rdæ. V. Dignitati, VVq; RR. addicissimus cliens

MATTHIAS MILONIUS.

Humanitatis Studiosis S.

Tanta fuit hodieq; est Gothorum virtus, ut quo^c exoticas oras passibus suis peragrarunt, tot, non dicam cursibus, sed victorijs suis emensi sint, tuncidemq; fortitudinis suæ vestigia post se reliquerint. Quot olim in Italiam, Galliam, Hispaniam & provincias Teutonicas Megapolim, Pomeraniam, Borussiam, Livoniam &c. effusi trophyæ passim exercent, nulla unquam ex animis hominum delebit oblivio. Nam & istic erecta firmiterq; impressa extant. Sed & hodiè virtus Gothicæ in orbem redidit, cursusq; victoriarum Gothicarum extra patriam revolutus est; & ita revolutus est, ut sub invictiss. Heros GUSTAVO ADOLPHO, Rege nostro Clemetissimo, qui Augusto felicior, Trajano melior, magis magisq; eminuerit & indies emineat. Quod ut proprium ac perpetuum sit S. R. M.^{ti} & pax optata nos tandem revisat, ex intimo cordis recessu Deum rogamus. Cum autem literarum humaniorum virtutumq; cultu ornatissimus juvenis Dn. Matthias Mylonius Arosiensis S. R. M.^{ti}s Alumnus pietate erga Patriam ductus de Periodo Victoria- rum Gothicarum doctam & elegantem scripserit Orationem eamq; à meridie p^{ro}pter preces vespertinas ex memoriâ recitare decreverit, Humanitatis Studiosos amantè & amicè rogatos volumus, ut dicto tempore locoq; frequentes adesse, & materiæ dignitati & laudato juvenis studio vacuas aures dare velint. P.P. A. D. 24. April. CIO. IOC. XXXI.

JOANNES LOCCENIUS J. U. D. His-
toriarum Ordinarius & Eloquentie extra-
ordinar. Prof. p. s. Regiorum si-
pend. Inspector.

ORATIUNCULA

De

Periodo Bellorum Gothicorum extra Patriam.

Magnifice Dn. Rector, Generosi Dn. Barones, Admodum Reverendi & Excellentissimi Dn. Professores, Clarissimi Dn. Magistri, Tuq; Nobilissima & Doctissima studiosorum corona, Duo sunt tempora, quæ omnia omnium hominum negotia moderantur & in vitâ nostrâ habent vim maximam; Pax & bellum. Illa Religioni & honestis legibus patrocinatur, magistratum autoritatem, subditorum incolumitatem, pacis insuper totum Reipub. corpus tuetur. Literarum commis-
studijs, quæ sunt origo & fons reliquæ felicitatis in Republicâ, hospitium ac benignitatem exhibet, ut ita pietati & honestis moribus imbui possit tenera juventutis ætas. Sub pace nullis polluitur stupris domus casta: liberi defunctorum parentum justa securè peragunt, & hereditates adeunt: omnes tunc artes, arriumq; nutrix agricultura exercetur: commercia & terrâ & mari sine ullo metu hostili fiunt. In summâ: securi quæ corpora, quæ conscientias quæ fortunas, quæ

A 3

fa-

famam & existimationem vivunt subditi. Sin vero
armis res experienda est, & belli fortuna tentanda,
quid magis apud eos hostes, qui jura belli non respici-
unt, frigescit quam pietas? Quid legibus apud eos
contemptius? Magistratum vilescit auctoritas,
dissipato coetu docentium ac discentium oberrant &
quandoq; exulare jubentur jucundissimæ Musæ: pro
pietate, horrendæ Dæmoniorum obtestationi, pro ho-
nestate deprædationibus assūscit juventutis flos. Ra-
piuntur virgines, pueri: divelluntur liberi à paren-
tum complexu, matres familiarum patiuntur quæ vi-
ctoribus collibuerint, sacra & profana expoliantur,
cædes, incendia sunt, tandem armis, cadaveribus,
sanguine, luctuq; omnia complementur: in solitudinem o-
mnia rediguntur. Quavis itaq; pax illa optima rerū, si
posita haberet, bello omnino sit præferenda, & ardentè vo-
to à quo vis Christiano exoptanda, interdum tamen usu
venit, ut, juxta tritū sermone proverbium, Non diu-
tius liceat pace frui quam vicinus velit: cuius mo-
litionibus & vis, consilijs cruentis, armisq; infestis in
tempore obviam ire necesse est, nisi velis religionem,
legesq; & libertatem in discrimen vocari, nisi veliste,
& tuas possessiones ipsius prædam fieri. Quare pa-
cem voluntas, bellum imperat sapè necessitas: & ut
sine injuria in pace vivatur, confugiendum nobis sapè
est

Eff ad bellum, si uti non licet pace. Nam, ut ait De-
mosthenes, ὡλεμόντος ἐργάζεται φέλεια, Bel-
lum, ait, honestum turpi paci est anterendum. Cum autem S. R. M^{ta} Bellum necessitas ergo extra Re-
gni fines suscepit vera Religionis & avita liberta-
tis defendendæ causâ, animus est aliquid impræsentia-
rum differere de Periodo bellorum Gothicorum ex-
tra patriam: quomodo scilicet mascula Gotborum
virtus olim in exteris declarata, iterum in Potentissimo & Invictissimo GUSTAVO ADOL-
PHO Rege nostro Clementissimo non reviviscat so-
lum, sed longè etiam illustrior conficiatur. Mate-
ries, fateor, non indigna ulteriori consideratione &
ingenui hominis dissertatione; verum si ab ovo ad ma-
la repetatur, non hujus horulae, non immaturi mei ju-
dicij & hæsistantis linguae, sed potius qua vel Cæarem
vel Ciceronem redivivum exposcat. De magno ta-
men cumulo pauca quædam, idq; hortatu Consultissimi
Doctoris Joannis Loccenij Historiarum & Eloquen-
tiae Professoris, & p.t. Regiorum alumnorum inspe-
ctoris gravissimi, Praeceptoris mei & Fautoris ater-
num observandi nunc delibabo, quæ præsentii instituto
accommoda videbuntur. Quod cum pro tenuitate
ingenij mei facere aggredior, vos omnes, Auditores
N. N. ut benignis auribus, animisq; & mutua rerum
gestarum congratulatione adesse dignemini, officia-
sissi-

sissimè contendō. Pericles laudat Remp. Atheniensium, quod ē ad bellum, ē ad pacem esset paratisima, omnibusq; rebus instructissima: quod tū m maximē fieri putabat, cum domi inter se concordant cives, nihil civilis dissensionis invicem disseminant, sed id unicē agunt, ut suā ipsorum harmoniā ē jucundo concordiae vinculo uniti, pravas aliorum spes invadendi patriam cobibeant ē rescindant: Foris verò ē adversus hostem fortitudine ē rerum gerendarum prudentiā cœidunt, adversario ē contranitenti metui atq; terrorē sint. Utrinq; laudem meruisse Remp. Gotbicam in confessō est; nam ut concordiae studium nunc volens

Gothi
Anno 5
Dil. 836.
Duce Be-
riconem
patri mi-
grant. Jo-
an. Mag.
l. d. c. 14.

prætervolem, quod illustre adeò ac conspicuum in illis fuit, ut regnante Bericone in Sveciā, cum nonnihil inter eos discordia gliscere cœpisset, potius voluntariū exilium, potius discriminū plena expeditiones elegerint, quam tristem discordantis patriæ faciem ac ruinam intueri: hoc ipso testantes non majorem potuisse genitrici patriæ gratitudinem à se declarari, quam ubi eam concordem expurgatis secum factiosis ac scleratis civibus, reliquissent. Fortitudinem vero ē rei militaris peritiam cum altius animo repetimus, non difficile erit dicere cum Herodoto & Procopio,

Consult.
Doctos
Loccen-
us Differ-
tia.
3. de Sue-
cia.
Gotho-
rum ve-
sus disel-
plina mi-
tatis.

Gothos fuisse Thracum ac Barbarorum fortissimos: quippe quibus nec animus, nec disciplina militaris omnino defuit. Alebantur militia bono pueri,

quos

nos non alca, non tessera, non pila, nec ullus lusus puerilis delectabat, sed qui ante annos animum gerezabant, planè virilem ac corpus laboris tolerantissimum. Quid quo eo rūm educatione rigidius? vix enim è cunctis eriperant, cum in balneis calidissimis ad sanguinem usq; cœdebantur; deinde in algidissimam aquam demergebatur, ut inde compactiora membra referrent.

Quid illis tolerantiū? bonam quippe cutis partem in Heider. Syr. Pol. P. 695.

maxillis ē mento pueris suis resecabant, ut barba rara, hispidā ē deformi hostes terrore afficerent ac attontos redderent. Quid insuper animos ac juvenilia corpora ad militiam magis præcolit, quam venatio? certè Gothorum filios huic studio sicut ē bastilijs ab ineunte atate deditos, caloris, frigoris, laboris ē inediæ patientissimos, fortuna deniq; bellicæ quoquo inclinanti superiores ac invictos reddidit. Nec hæc præludia animis filiorum suorum satis voluntatem tractandorum armorum in generare arbitrabantur, nisi Regum filijs hoc calcar adderetur, ut qui munus militare non dum sustinuisset, nee armis idoneus ab externo quoquam principe judicatus esset, eum Pater ē publicā ē privatā suā mensā indignum censeret. Hinc factum est, cum tam rigidā educatione, diligentie exercitatione, ē acribus stimulis inauditisq; excitasset ē preparassent filios suos bellis, ut Martem, quæ apud senatum gloriantur, indeq; ante alioss Deo di-

Consult.
Doct,
Loc. de
per. mis
lit. Go-
thorum
Diff. 2.

Joannes
Magnus
l. i. c. 9.

vina veneratione dignabantur, non varium, non adversum, sed semper secundum, propitiumq; sibi habuerint. Postquam enim in Bericonis sententiam uno ore omnes consensissent, & patrium solum pro patriæ incolumentate vertere decrevissent, tam latè arma circumtulére, ut cùm præclarè facta eorum intueris, non unius gentis, sed totius orbis gesta existimes. Tantog; olim ex Svecia agmine, quanto ex equo illo Trojano, prodierunt fortissimi illi, qui orbis Domitores domuerunt suâ potentiad. Quid Alexandro majus? quid Pyrrho Epirotarum Rege in bello felicius? quid Cæsare fortius? Alexander tamen Gotbos evitando censuit, Pyrrhus exhorruit, Cæsar declinavit. Magnum sane nomen Gotborum! in quorum laudē nunc excursurus, cum Cy- non omnia, verūm quæ cū sumis regibus ac regionibus Herodot. gesserint, vobis, sed strictim ob oculos ponam. CYRO lib. 3. Rege Persarum Potentissimo nec arte, nec marte cefserunt: nam inexplebilem ejus sitim, quâ per falsas Tomyridis Gotborum Regine nuptias regnū tantum eorum, quod tunc temporis erat in Scythia, indefinenter appetivit, masculè restinxerunt. Et licet cum ad arma deuentum fuit, fortuna primo conflictu Cyro blandiri visa esset, & filium Tomyridis ebrietate & castrensis delicijs circumventum oppressisset, nequam tamen eo sublato, Gotborum illico animis justam causam ulciscendæ injuriaæ avulsam sensit, sed potius

tius Gothos suâ saevitiâ irritatos cladem magnam majori compensare coëgit. Regina enim occisi filii vindex, cùm videret non virtute, sed dolo & occasione hostis filium succubuisse, ipsa adversus hostem resurgit, eumq; in incommoda loca, sibi verò peropportuna pertractum cū omni omnino exercitu profligavit, & caput Cyri abscessum in uterem sanguine plenum conjectit, additâ bac exprobatione: Satia te sanguine quæ sitijsti, cuiusq; insatiabilis semper fuisti. Laudentur etiam DARIUS, & sit unus ex septem illis, qui Persas in libertatem assurerunt, non tamen ANTHONIUM Gotborum Regem quantumvis felix superavit; sed postquam bona exercitus sui partis jacturam fecisset, turpis fugâ ad suos rediit. Nec est quod alium quam suam ipsius superbiam hic accuset, cùm præmonitus à Gotbis noluerit bello abstinere: per munera enim illi donata, quæ erant AVIS, MUS & RANA, innui volebant: nisi Darius tanquam Avis avolaret, aut tanquam Mus terram, aut tanquam Rana aquam subiret, suorum tela non posset effugere. Effugere? equidem communis illi cum filio XERXE fuga turpissima. Hic enim cùm injurias patri à Gotbis illatas ultum ivisset, hostem iteram provocasset, & totum adeò exercitum in manus hostium prodidisset, solus exemplum inconstantis fortunæ & testis commissæ pugnae evasit. Largior quidem Gothos

Jeannes
Magnus
l. 3. c. 2.
Bellum.
cum Da-
rio.

Bellum.
cum Xer-
xe.

Bellum
cum Phi-
lip. Rege
Maced.
Joannes
Magnus
1,3,c.10.

nonnunquam alijs bello inferiores fuisse, ita tamen ut fortunæ & adversitatibus eos succubuisse non dicam, sed qui pristinæ vigilantie admoniti, rerumq; futurarum providi facti, vires collapsas strenue recuperarint, vi- cesq; hosti aquas reddiderint. Licet enim PHILIPPUS Macedonum Rex eos, quos virtute vincere desperavit, fraude & sub specie quadam amicitia aggressus sit, vi- ceritq; cladem tñ. illam Gothi more suo in Macedoni- bus vindicarunt, cum SOPRYONA Alexandri illius Magni Duce ac Praefectum Ponti cum 3000. mili- tibus ad internacionē delerent. Hac animi magnitudi- ne aliquandiu Scythicis terminis se continuerunt Go- thi, donec sub Composito Rege eorum sapientia ac prudentia laudatissimo in Daciam, Moesia ac Thra- ciam progrederentur, ubi varias strages longè lateq; dederunt, varia etiam trophya de devictis gentibus reportarunt. Hic etiam percussum, initumq; est vi- cinitatis foedus cum Augusto Romanorum Imper- ratore: vidi enim prudens Imperator gentem Go- thicam armis insuperabilem non vi, sed benevolentiae officijs contineri posse. Fide verò semel data diu- steterunt, & foedus ita initum sartum tectumq; à sua parte usq; servarunt, donec sordidum illud avaritiae mancipium Domitianus Romanam Remp. Tyrannide sua vexare inciperet, tum enim vel insolentis domi- nationis Domitiana intolerantes, vel diuturni otij, à

quo

quo mirum quā abhorruerint, pertasi, à Romanis tandem deficiunt. Hinc cruentissima duæ pugnae in- ter Dorpaneum Gothum & Domitianum, quarum prior Reip. Romanae sustulit virum militaris indu- striæ peritisimum & ejus exercitus facile principem oppium Sabinum. Posterior verò præterquam quod occisorum ruinā non minoris constiterit, etiam Go- this tributa pendere coegit. Hæc illa inclita majo- rum nostrorum ausa! hac veterum Gothorum præcla- re facta! hi deniq; sunt stimuli qui cordati cuiusq; & patriæ amantis animum titillant & erigunt. Quod cùm etiam vos, Auditores Lectissimi, non parum mo- vere video, spero bonâ vestrâ cum venia fore, si di- cendo paululum adhuc provebar & majorum nostro- rum vestigia per Italiam, Gallias, Hispanias, & Germaniam, sed cursim premam. Fuerunt Gothi multis retrò seculis Romanis alias benevolentia & amicitia vinculo, fædereq; conjuncti, alias urgente i- ta libero eorum imperio inimicitijs disjuncti; idq; vel maximè ideo, quod Romani sèpius è fauibus quasi in- fensorum hostium crepti & à Gothis iterum atq; ite- rum defensi parum gratiæ, quinimò odium beneficio- rum præmium reposuissent. Quo nomine commoti multi Gothorum, omnium autē maximè Alaricus Go-thicorū Regum facilè princeps, qui ducentorum milliū benè armatorum agmine succinctus Pannonias, Illyri- cum

B3

cum

cum & Noricum cum prima parte Italie magnis
stragibus afflxit. Ravennam Italie urbem floren-
tissimam suæ editioni subjicit : Romam orbis Domi-
nam ac caput occupavit : cæteras item Italie partes
expugnavit. Devictæ verò Roma singulare clemen-
tia documentum exhibuit : omnibus enim qui ad sa-
cras aedes configissent, parcijus sit. Alarico consan-
gineus & successor ADOLPHUS rogatus à pia con-
juge sua filia Imperatoris Theodosij in Gallias dimissa
Italia properavit, indeq; pulsis in Africam Vandalis
Galliam suo imperio adjecit. Postea verò in Hispa-
niam se conferens inclytam illam nationem exter-
rum incursionibus, oppressionibus & innumeris ve-
xationibus ita liberavit, ut postea Gotborum regimi-
ni ultra trecentos annos feliciter subjecta eò nunc am-
plitudinis & glorie ascenderit, ut si nō prima & præ-
cipua orbis natio, inter primas tamen facile habeatur.
Nec Germani, ut ad vicinos meoratio se convertat,
expertes fuerunt Gothicæ fortitudinis : utpote quo-
rum provinciæ nobilissimæ, Pomerania, Borussia, &
Megapolis primi illius exercitus, qui Duce Berico-
ne patriæ finibus migravit, prima sedes, prima præ-
da, prima etiam victoria fuerint. Ex his etenim lo-
cis, cùm jam aliquantulum bīc requievissent & vires
in mari collapsas recuperassent, velut apum exa-
men se diffuderunt & in omnes terrarum angulos di-

stri-

scribuerunt. Saxones Danis bellum inferentes re-
prescit ac domuit Humelus: Rebelle verò Borussos
& Livonos compescuit Ericus victoriosus. Et quis
quæso vel disertissimus veterum Gotborum virtutes
dicendo persequatur? Ad modernos potius veniamus,
eos intueamur & quid pristinae virtutis in posteris re-
sideat paucis contempleremur. Hic licet me magnifi-
cè efferam, & dicendi campum naclus sim amplissi-
mum, tamen unde in tanta rerum varia amplitudine
exordiar, penitus ignoro. Si enim redivivus Alari-
cus & cum eo fortissimi quicq; veterum Gotborum,,
qui igni, ferro & inclytis trophyis totum orbem com-
pleverunt, vivisq; oculis modernam suæ patriæ faci-
em aspicerent: quæ posteris suis belligandi, quæ ca-
stra metandi, quæ aciei & condenda & laxanda sit
ratio: quem locum hodiè hastati, quem machinae anæ
teneant, attoniti & consternati faterentur se bellato-
res, nos verò bellatores prudentes. Sin verò tanta
industria Dux & Author Potentissimus GUSTA-
VUS ADOLPHUS majoribus suis tūm cer-
nendus daretur, cum,

Gustavia-
na virtus

Ipse manu sua tela gerens præcedit anheli

— Militis ora pedes,

Et nullis periculis, nullis regij sui corporis incommo-
dis, quæ cæteros tātē Majestatis viros remorari solēt,
à rebus gerendis abduci se sinit, sed ipse vigilare, fe-

Lucan, l.
9.

stic-

stinare & cuncta obire conspiceretur? Nihil, opinor,
blic aliud dicent, quam Duce tanto esse subditos felici-
ces, infelices vero quoscunq; contranitentes. An fal-
lor? certè stupet Lithuania, tremit Borussia, admi-
ratur Pomerania, exultat Saxonia, omnes deniq; ad-
mirandam S. R. M. fortitudinem incredibili clemen-
tiā temperatam pleno ore depraedant, commendant,
exosculantur. Nam compositā jam dudum fraude
Dani, qui Sueticas arces & munitiones non virtute,
sed dolo, non ferreis sed argenteis telis expugnavit;
& domatā Russorum barbarie: qui primi S. R. M.
hostes & armorum tractandorum orchestra fuerunt:
postquam iterum recoquenda nobis restaret implaca-
bilis Polonica Lis, visam est in eum potius conferri pe-
stem illam, quam in nos multos jam annos machina-
tus est, inq; regni Polonici viscera ensem adigere, ut i-
ta pacem qualem nobis ratio à Polono impetrare ne-
quijt, pacem quæ nihil insidiarum, nihil fraudis esset
habitura, sed quæ salvis regni juribus & sacris no-
stris illibatis quæsita videretur: eam, inquam, civi-
um Polonicorum cœdes, urbium expugnationes & cœ-
teria belli incommoda nobis tandem aliquando extor-
querent. Nec mora, ubi robur exercitus Svetici
30000. virorum secundo vento in Livoniam esset ab-
ductum, & portus fluminis Dunæ occupatus, miles
in continentem expositus post paucos dies in conse-
cūm

Oppu-
gnatio
Rigz.

Etum munitissimæ urbis Rigæ prodit. Hic alij castra-
metari incipiunt, alij aggeres construunt, alij vallum
jaciunt, alij fossas ducunt, & quidquid erat munitio-
num pro se quisq; sedulò faciebat. Non interim his
annitentibus cessavére urbis defensores, sed Regia
munitiona destructum ire, suosq; defensare & vices
nostratibus reddere pro virili non destiterunt. Quò
ergo animosius ab ijs est restitutum, hòc arctius sunt op-
pugnati: omnes viarum aditus, omnes exitus sunt ad-
emti: diverticula que solus Duna fluvius reliqua fe-
cerat arctissimè adeò erant clausa, ut sagacissimis eo-
rum tabellarijs licet eadem qua antea transitum sàpè
molirentur, hac transire non licuerit: grandioribus e-
tiam tormentis circum circa urbem collocatis summâ
vi ac vehementiā munitionum eorum pinnas ita ver-
beravit, ut vix in urbe consistendi locus fuserit: præ-
torium, templo, ædesq; tam publicas, quam privatas
ruinis deformavit. Confessa fuit urbs tandem devi-
ta amplius 100. globos immense magnitudinis in se
una hora explosos numerasse, omnium vero sub toto ob-
sidionis tempore sibi immisorum excepsisse numerum
5000. Tanta Gustavianæ fortitudinis vigilancia!
tanta ejus celeritas! tantum in expugnanda urbe hac
fuit studium Gustavianum! Neq; id aperto solum
Marte præstitit, sed & clandestinis cuniculis: no-
cturno enim tempore munimenta Rigensia suffodere

Encomi-
um Go-
stavianæ
virtutis
a Rigen,
ibus

Et cuniculos agere ita properavit, ut ante diluculum unâ nocte tribus in locis eos perfecerit, Et longum in spatium diduxerit suppositis 24. cadis pulvere nitato repletis. Huc usq; repellendi hostem urbi aliqua spes fuit, verum hic alium aliis consulere, hic consolari, hic obstupescere, hic silere: audijsses certe ejulatum infantum, ploratum pudicarum virginum, platem honestarum matronarum vitae atq; pudicitiae suæ timentium; consolationem deniq; fortium Et prudenter virorum, qui intuentes certissimam Et inevitabilem sibi jam imminentem perniciem non temere, sed coacti, non proditoriè, sed Arte Et Marte Bellicosissimi Herois GUSTAVI ADOLPHI, in ejus arbitrium se, suosq; dediderunt. Hic non possum miti temperare, quin ex literis Spectabilium Consulum atq; Senatus prefatæ urbis Regi Polonorum datis, Encomium virtutis Gustavianæ buc transcribam: Admirabilem, ajunt, victoris clementiam & lenitatem fatis prædicare non possumus, qui summam moderationem animi fortunam suam superavit ac nos vivere coëgit. Et in alijs ad Razevillium Campiducem Polonum: summis in cœlum laudibus efferrimus clementiam Serenissimi Regis GUSTAVI ADOLPHI, qui inscijs nobis ac minimè sperantibus, militis impetum prædæ ac direptionis avidissimum imperio ac sapientiam suam cohibuit; alioquin

quin ante dies aliquot extremam cladem ignorantes passi fuissimus. Hac illi. Quibus ita felicitèr Et animo verè Heroico patratis, cum Polonus ira Et furore percitus adbuc rerum suarum securus esset: nihil tantæ urbis quasi finium suorum propugnaculi clade, nihil civium internecione horribili, nihil ipsius Lithuanicæ subjugatione moveri, vel ullam honestæ Lithuanicæ compositionis spem ostendere videretur, sed in medijs nix sub jugatio. Lithuanicis tumultibus omnia astu atq; tergiversatione, lucrando tempori Et melioribus occasionibus intentus ageret, pari hostilitate per Borussiæ terras grassatum est. Territata armis Varsau, patet nostris navibus Pillou, forti pugna debellatum Marienburgum, imò ferè quidquid est illius provinciæ S. R. M. accedit, sed non sine fortitudinis singulari documento. Nam ut ea nunc præteream, quæ conjunctis viribus Et toto nostro exercitu sunt gesta, memento solùm quid in defensione urbis Poutscæ à paucis fatalitatum audiveritis. Postquam enim Polonus edictus jam esset paucitatem nostratium tutari Poutscam, Et si ob sideretur, non præsto esse qui pressa succurrerent; hac ire, huic omnes suos nervos intendere Et hunc bolum è fauibus hostium repetere libitum est: idcog; nusquam cessavit, sed ubiq; summam vi, impetu mania atq; turres verberavit. Defensores vero urbis quæadmodum nullis adversitatibus frangi, nec multi-

tudine hostium terreri, sed prudenter omnia aggredi, esse animi fortis noverunt: ita quamvis milie impeterentur machinis & extrema quæque perferre congerentur; crebro tamen relictis manibus impari adeo numero hostem adoriuntur, vehementius præliantur, & in castra feriendo prosequuntur. Unde exiguae bæc militum manus centies, aut quod excurrit, de tanta hostium caterva triumphasse dicitur. Viribus tandem minor attrita & fracta non hostium impetu licet acerrimo, sed duro famis telo, urbem honestis legibus relinquit. Militem hunc urbe exeuntem insens Imperator Polonus super fortitudine ejus stupefecit, & quemque eorum epulis suis & hoc præconio dignum censem: Tales, ait, Polono exopto Milites & Duces, qui pares sint Sittonio & cœteris, qui robur addiderunt forti huic militi. Benè equidem ille, nec enim hostis suâ laude fraudandus est, sed quod in causa alias injusta pares sibi exoptet milites, nihil est, nec unquam voti compos erit. Nam

Frangit & attollit vires in milite causa,
Quæ nisi justa subest, excutit arma pudor.

Talibus, ut modo dixi, Ducibus, talibus etiam militibus, qui in periculis animosi & cauti, in castris legū observantes, ubique verò fortis sunt; adhac bonitate suæ causæ stipatus Potentissimus GUSTAVUS ADOLPHUS non solum effrænatam Polonorum

44-

audaciam libidinemq; nos deglubendi quinq;ennibus inducij minuit, sed etiam pro exili Christi ovili adversus omnium malorum sentinam Papam & Germanici tumultus tubam Tilli non est veritus armas sumere, feliciter retundere & longè fugare. Pomernicis enim finibus superiori Anno potentia altissimi & Regis GUSTAVI manu fortiter est expulsus, fortius urbe Francofurtensi, omnium vero fortissime in campis Lipsensibus 7. Septembri, hujus Anni debellatus est. Nam quemadmodum Tilli hunc diem, adeoque hanc pugnam omnes anteactos labores, victoriasq; confirmatarum & laudem potentis suo hosti detracturam sperabat: ita instruendæ suæ aciei temporis, lociq; non erat negligens, sed cum exortu solis præoccupato campo ita aciem prior adordinavit, ut non solum tormenta bellica, verum etiam solis radij adversi & venti hostes ferirent. Fuit haec, fateor, haud vituperanda militaris industria, ut pote cuius dispositioni omnia adversarij erant attemperandas, & quæ ardua quæque, & cuncta adversa ostentabat: vincere tamen hoc arduum, esse industriæ & virtutis verè Heroicæ fateamur necesse est. Cum igitur jam aliquandiu

Inter utrosq; volat dubijs victoria pennis,
victus tandem, imò victus est Tilli ille, qui hactenus
Martis quodam blandimento obsecratus se invictum,

C 3

pro-

Bellum
cum Im-
peratore
Romano

Pugna-
Lipseana

Moder-
ni veteri-
bus præ-
stant,

proclamari voluit, atq; adeò cœsis 20000. bene armatis, jacturâ insuper ditissimi commeatus, machinarum atq; vexillorum innumerabili factâ, saucius Tilli ipse cum paucis aufugit, evasit, erupit. O victoriam divinam, victoriam solatij plenam! ô GUSTAVUM heroem, heroem cui omnia dona supra humanam sortem eminentia largiter sunt collata. Annon ergo, ut intra limites meæ orationis me contineam, mascula Gothorum veterum virtus in posteris etiamnum residet? siccine Martis gladium à majoribus nostris hic olim effossum prudentè gerunt, nè rubigine sed hostium sanguine obducatur? quis ergò neget in modernis non solum priscam illam fortitudinem vivere, sed singulari insuper prudentiâ, & quæ chorum dicit, pietate auctam nunc nunc eminere? imò verò quantum moderni veteribus Religione, & syncero Dei cultu, quantum armorum tractandorum usu & rerum gerendarum solertiâ, quantum insuper bonitate suæ causæ præstant: tanto confidentius gladios stringunt & humanum sanguinem fundunt. Veteres enim Goths ad tantas res moliendas impulsit sepè desiderium tuendæ libertatis, quæ ante omnes res visa est illis semper desiderabilis, nec ullum periculum defugerunt, ubi affulsi vel minima spes vindicandi se in libertatem. Nec illud perperam, ecquis enim non male velet illi à quo vel servitute, vel alio quoque incommodo

do

Causa.
belligen-
tandi à
veteri-
bus Ge-
this.

do coercetur? unde vere Salustius, libertatem nemo bonus nisi cum anima simul amittit. Sperata etiam victoria honor, qui generosos quosq; stimulare & animare solet, nonnunquam Gothos ad belligerandum excitavit: sepè studij bellici gratiâ, in qua veteres palmarium felicitatis politica ponebant, vicinas terras invaserunt, finiumq; dilatandorum gratiâ. Nea raro ut otium excuterent, & nè domi desides cucurbitas pingere atq; torpere viderentur, arma adjacentibus terris intulerunt. Nihil enim à Gothis aquæ est nauseatum, atq; otium & ignavia, pestis illa rei tam publicæ, quam privatæ, quæ juventuti pernicies, senectuti verò macula est:

Adde quod ingenium longâ rubigine Læsum.

Torpet, & est multo quam fuit ante minus.

Hic, ut auditis, fuit finis tot susceptorum bellorum à Finis Si
Gothis, eū certè sic cum fini bellico S. R. M. tis conferas, R. M. à priori
non per omnia convenire, quin imò toto cælo distare loquè di-
eos deprehendes. Non S. R. M. tis proposita vana glo-
riola, quæ suos sectatores ut plurimum transversos agit: nec pleonexas causâ, ut fines regni sat amplios
amplius adhuc propaget, innumeris periculis regium
corpus objectat, & lethiferos hostium iectus toties su-
stinet, nequaquam: sed libertatem nostram, pacem,
etiam non insidiosam illam ac servitutis passionem à
Polonis sapiens oblatam, sed honestam atq; tolerabilem,

in

in qua salva Religio, salve leges, salva omnia aut
certè pleraq; & publica, & privata subditorum bona
quæ animi, quæ corporis, quæ fortunarum in maximo
Matris strepitu quæsivit. Quis ergò cogitet, ne-
dum dicat hanc esse pruriginem inanis gloriae? Nemo.
Nec res S. R. M.^{ts} licet secundissimæ animum ejus
Gauſa-
belli Co-
ſuijani.
ita agitant, ut studio dilatandorum finium nunc Ger-
maniam invadat, absit: sed Hugo Pontificio pressis
succurrendi, aras ac focos eorum defendendi, injurias
hostiles ab illis arcendi, hostiumq; insultus à nostris fi-
nibus propulsandi gratiâ, dies noctesq; invigilat. Nam,
ut missas nunc faciam injurias illas, quas minimè spe-
ranti S. R. M.^{ts} in Prussia sub umbra selum &
autóritate Excelsi nominis Imperatorij Cœsar intulit, &
vexationes innúmeras in Pomeranos sub solo præte-
xtu belli Svetici, inq; nostri invidiam exercitas;
ec-
quis quæso nisi talpâ cæsior, aut muro istoc surdior sit,
qui ignorare se dicat Christiano homini nunquam non
deplorandam faciem Germania? Germania, inquam,
non ita pridem Musarum matris suavissimæ, artium
officinae illius peritissimæ, & veræ Religionis quasi pa-
radisi dñi. Huie florëtissimæ, ab quid dixi? imò verò
nunc miserrima Germania incubat, hæc enervat, hanc
ceu hirudo exsugit versipellis Jesuitarū factio, princi-
pū fæsinatrix, pacē perosa, sanguinē Christianum ac
cœdes ubiq; spirans, crux Regū ac Principum lavas

Germania.
misera-
tus ho-
giernus.

ma-

manus. A quo tandem Tyranno unquam gentium tam
immane facinus patratum, & tanta saevitia beluinaq;
feritas in homines est exercita, atq; à Pöficijs in ur-
bibus Paslevalcensi & Magdeburgensi? Christiernus
certè Danus, ut nosiri mali memoriam recordemur,
licet omni humanitate exutus, & ille extrema suâ ma-
litiâ insignis Ivan wasiliviz Russorum Princeps, si
cum Paslevalcensis & Magdeburgicæ lanienæ car-
nificibus comparentur, illi mites, bi verò immites, &
si quid beluindâ immanitatem immaniū dici possit, ap-
pellari merentur. Moderatores meritò Attila &
Tamerlanes Scytha censeri debent, quorum alter se
Dei flagellum, alter Iram Dei & terræ vastitatem
nominari voluit; quam hi, qui se vivos Dæmones
profitebantur, & in puellulas septennes (ob abbor-
ret natura!) caprinâ quadam libidine debacchati sunt.
Quid ergo? Annon justè succursum est Germanorum
miseria & tantæ immaniti occurrsum? ita puto.
Et certè ni factum fuisset à S. R. M.^{ce}, eorum felici-
tas & victoria, nostra tandem aliquando fuisset cala-
mitas: profluitissimus horum libidini fortunas, cor-
pora, & quæ omniam defensione dignissima, anima-
rum nostrarum salutem. Quæ certè extra Regni fi-
nes prævenire magni animi, singularis confidentiæ
& intrepidæ virtutis est indicium. Terror enim ho-
sti incutitur, vicini admirantur, & plurimum autho-

D

ri-

Lanienæ
Pasleval-
censis &
Magde-
burgen-
sis.

ritatis audenti parti conciliatur. Nec est qui satius
esse negaverit, invadere, expugnare, miscere cœdibus
hostilem regionem, quam hæc mala domi cum excidio
Reip. Et civium internecione perpeti. Hostilibus e-
nim sedibus belli difficultatibus implicatis siccatur Et
arescit fons ille, unde belli præsidia manabunt. Ten-
tavit hoc non sine felici successu Alexander Magnus:
prescit etiam diu Portas Romanas Lacedæmoniorum
Dux Hannibal. Sed quid externis immoror? Dome-
stica exempla veterum Et modernorum abundè edo-
cent, salubrius Reip. esse hosticam bellis sedem eligere,
quam eum domi opperiri: Leonina Polonorum fero-
cia, Et intractabilis gens à S. R. M.^{re} in proprijs lati-
bulis est requisita, educta, oppressa. Inauditam Pon-
tificiorum libidinem vi Et armis occupandi aliena,
non solùm nostris finibus prohibuit, sed subjugatis eti-
am antea à se provincijs cedere coëgit. Quocirca
Periodus illa bellorum externorum, bellorum, inquam,
in Livonia, Borussia, Pomerania, Saxonia Et reli-
quis Germaniæ provincijs nunc nunc est revoluta, sed
longè majori bodiè quam olim successu fortitudinis Et
fortanæ. Licet enim milites moderni veterum mo-
re non præparentur bellis: non frigore Et subitâ iterū
caloris vi corpora compingant, nec menti, maxillarū,
cutis, Et bispidæ barbae refectione corpora deforment:
truces tñ. Polonorum Cossacos, Et terribiles Heiducos,

qui

qui prælongis avium pennis obsiti, Tigridum, Leo-
numq; Ursorum pellibus induiti, turpisimo quoq; A-
frica monstro turpiores procedunt, præstolari Et pul-
chre occidere non detrètarunt. Imò quod veteres
innumerabili suâ catervâ Et exercitus magnitudine
præclarè gesserunt, idem incredibili quadam Majesta-
te Et Heroicâ virtute superne donatâ Bellicosissimus
GUSTAVUS ADOLPHUS præstat, adçò
quidem ut toto illorum agmine solus terribilior babea-
tur. Ut rem exemplo ostendam; recognoscite, Audi-
tores Spectatissimi, quid de impugnatione Nåringæ
Insule non procul Gedano dissi & audiveritis. Huic
cum acrius nonnihil inhiarent nostrates, fortè globas
ab hoste emissas sauciat S. R. M.^{re}, undè nobis
causa abstinentiae pugnæ. Hinc, binc profecto non
parva affulsa spes Polonis repetendarum urbiū Et
Svecos repellendi Prussiā: accedunt ceu stentores in-
geminantes, Regem GUSTAVU M lethali vul-
nere saucium jam obiisse. Quod cum S. R. M.^{ti} es-
set nunciatum, Et simul saucie negatâ à proceribus
Regni tñm presentibus pugnandi copiâ, sic ex Narsio
Poëta Regio locutam accepimus:

Equo vehi Ductore Martis dignius

Quàm lecto cubare, Grata hæc est quies.

Quæ grata menti, sanitatem promovent.

Non verba nunc, sed arma tempus exigit,

Polono-
rum de-
formitas
in bello.

Narsius
in Gusta-
Saucio.

Utrin-

Utrinq; numen invocetus interim.

Victoriâ aut beemur, aut pulchrâ nece.

Hac prefatus Brunsbergam obsidione liberandam petit, Polonus
vero parcus & attonitus solo nuntio supersticis jam jamq; ad-
ventantis Regis vulcum ejus haud tulit, sed certâ suâ spe deci-
dens turpi fugâ saluti consuluit.

Conclu-
sio.

Et hec habui, Auditores Spectatissimi, que pro tempore &
ingeniali mei penso dicerem de revoluta periodo bellorum Gothi-
corum extra patriam. Reliquum nunc est, ut quemadmodum
omnes aquâ ad mare unde venerunt, iterum refluent: ita D.
T. O. Maximo cujus omnipotentiâ & clementi gratiâ tanta pa-
trare nobis concessum est, conuenit cumulatè &, ut ita loqui bic
liceat, cum fœnore gratias remittere, atq; reddere. Non taliter
fecit omni nationi, nec eadem rerum suarum securitate nunc
omnes gaudent quâ nos, qui sub clypeo tot, tantarumq; victoria-
rum domi nostre securi delitescimus. Piâ etiam, imò pŷssimâ
& humilimâ veneratione agnoscendum est, quod Deus Poten-
tissimum GUSTAVUM ADOLPHUM, Ducem
tanta molli parem, cui in negotio labor, in periculo forti-
tudo, in agendo industria, in conficiendo celeritas ad-
est, his patria nostra malis & afflictæ Ecclesie acerrimum defen-
forem benignè largitus sit. Ducum enim virtus totum exerci-
tum ad eandem flectit:

Scilicet in vulgus manant exempla Regentum,
Utq; Ducum lituos sic mores castra sequuntur.

Te, Deus celissime, ardenter etiam votis oro & obtestor, ut
de cetero velis S. R. M.^{tem} conservare, protegere atq; tue-
ri, ut florentissimo huic Regno incolumentas, Ec-
clesia Dei intemerata pietas & literis
suum conflet Decus.

D I X L

GRATULATIO

5.

O B
VICTORIAM IN CAMPO
LIPSENSI DE HOSTIBUS EVAN-
gelici nominis die 7. Septemb. Anni 1631. cum stu-
pore totius Europæ orbis reportatam,
Auspicio Divino, Virtute,

Invictissimi Potentissimig. Principis,

DN. G U S T A V I
A D O L P H I,

SUECORUM, GOTHORUM, WANDALORUM
Regis, Magni Principis Finlandiæ, Ducis Esthoniæ &
Careliae, Ingriæque Domini etc.

EVANGELICORUM CAMPIDUCIS ET GENERA-
lis, vere Religionis ac Suecanæ libertatis acerrimi propugnatoris,
Victoris glorioissimi, Triumphantoris incliti ac semper Au-
gusti, Domini ac Regis sui Clementissimi.

I N
Regiâ Suecorum SALANA, d. 25. Novemb. ejusdem Anni, præsen-
tibus omnibus Reip. ibidem Literariæ ordinibus,

DEO, REGI, PATRIÆQUE

Facta ab

Illustrissimi Suecorum Cancellarij,

Dn. AXELII OXENSTIERNA,

Alumno,

PETRO SMALTZIO OREBROENSE
S V E G O.

UPSALIAE, typis WALLIANIS,
Excudebat PETRUS E. WALD.